

Me whakahoki koe nga mata<sup>11</sup> tahuna  
 I waho o Tauranga; ma o potiki<sup>12</sup>  
 Koe e hurihuri iho ki te papa o te waka:  
 Kia tirohia iho to kiri rauiti.  
 To mata i haea ki te toroa a tai.  
 He toroa tataki no runga i Karewa<sup>13</sup> na.

- <sup>1</sup>Tera te whetu.—Ki te S. 2/159 “Kapokapo kau ana nga whetu o te rangi.”  
<sup>2</sup>Meremere.—He whetu rere ahiahi, ko Venus ki te pakeha. Ki te rere ata ka kiia ko Kopu.  
<sup>3</sup>Kopu.—Ki te S. 2/59 “te whetu.”  
<sup>4</sup>Tira.—Ki te S. 2/59 “tau.”  
<sup>5</sup>I waho.—Ki te S. 2/59 “I raro.”  
<sup>6</sup>Te Tahua.—Kei te ngaro tenei.  
<sup>7</sup>I te whana, etc.—Kaore tenei raua ko te rarangi i raro iho nei i roto i te S. 2/59.  
<sup>8</sup>Ati-Tahu.—Kei te ngaro tenei.  
<sup>9</sup>Te ahi a te Tupua.—Mo te pu. Ko tetahi ingoa tenei o te pakcha i te wa e hou ana ki te Maori, he Tupua.  
<sup>10</sup>Mira o tawhiti.—Ko te mira he mea kotikoti na te Maori. I konei ko a te pakeha hanga pera. Ki te S. 2/59 “mahi tupua.”  
<sup>11</sup>Mata tahuna.—Ki te S. 2/59 “matarae.”  
<sup>12</sup>Potiki.—Ki te S. 2/59 “o tamariki.”  
<sup>13</sup>Karewa.—He moutere kei waho o Tauranga.  
 Engari ia ko nga tino whakamarama kei te iwi nana te waiata.

## 74.—HE TANGI MO NGATI PAREKAWA.

*Na KOKOPU. (Ngati-Tuwharetoa.)*

*Na Te Taitē Te Tomo i whakamarama.*

Ko tenei waiata mo te matenga o Ngati-Parekawa. Ihapu o Ngati-Tuwharetoa, i a Ngati-Tamatera o Hauvaki ki Piri-peka-peka. Ko Hihitaua te rangatira o te taua. Ko Piri-peka-peka he pa kei te taha hauauru o Taupo, kei tetahi o nga peka o Rangitukua, e tuku iho ana ki te moana.

He whanaunga a Hihitaua ki a Ngati-Parekawa. He mea whakaware e te taua ka mate a Ngati-Parekawa. Kaore hoki to ratau pa e taea ake; na, ka whakawaia kia hekeheke iho. Ko Kokopu i te taha o Taupo, e whakatangi ake ana i tona putatara, he whakatupato ake ki te pa. Kotahi i rere ko Pahu. Ka heke iho te iwi ra ki te taua i raro, ka hopuhopukia, ano “he parera i te mahanga.” Ka herereka ki te taura, ka takina ki runga i nga waka. Kei reira te wahi i porerete ai. Ka whakawhitia ki rawahi o te moana ki Motutere; kei reira ka patupatua.

(Ref: M. 227.)

Noho noa Meremere, kua i te tangata  
 Nana te tohe, nana te maro,  
 Rere ke mai nei he parera noho noa  
 A Rau-maroro<sup>1</sup>.  
 E kore e noho noa i te tarawaha<sup>2</sup>.  
 E ai te karena<sup>3</sup>.  
 Ka pau te ki atu, whakataha ki tahaki  
 He po taua tenei e hoki kai tua o Manuka<sup>4</sup>.